

HAI ARI



ՀԱՅ ԱՐԻ

ՕՐԿԱՆ ԳՐԱՆԱԽՅԻ ՀԱՅ ԱԿԱՌՈՒՏՆԵՐՈՒ

ORGANE DES SCOUTS ARMÉNIENS EN FRANCE

Ա. ՏԱՐԻ ԹԻՎ
1^e ANNÉE No.

3

1929

1

ԴԵԿՏԵՄԵՐ
DECEMBRE

ԲՈՎԱՆԴԱԿՈՒԹԻՒՆ

ՊԵՏԻՆ ԻՕՍԷՐ	Գ. Մեծասուրեն
ՄԵՐԲ ՍԵՆԷ	Գ. Մ.
ԻՌԻՄԷՐ	Խնդրապետ
ԲԱՆԱԿՈՒՄԻՆ ՕՃԵՐ	Հ. Դերմասիկան
ԵՐԷՅՆԵՐՈՒՆ ԲԵԺԻՆԸ	Վիգին Զարարյան
ՀԱՃՆԻ ԲԱՆԱԿՈՒՄ ՄԸ	Վ. Տիր Դարբան
ԺՊՏԻՆԷ	Ե. Օսապաչյան
ՍԿԱՌՏԱԳԱՆ ԼՈՒՐԵՐ	Հայկերի
ԱՆԳԼ. ՄԱՄՈՒԼԸ ԵՒ ՀԱՅ ԱՐԻՆԵՐԸ ...	

Միտքիան կեանք

Պաշտոնական

Գինն է 2.50 ֆրանկ

ԳԱՅԼԻԿՆԵՐԸ

Գաւառի այցելութիւններու անե-
նագեղեցիկ սպաւորութիւնս մեր Վարսնսի
գայլիկներն են: Պէտք էր ճաննել թէ
անոնք որքան աշխոյժ են եւ կարգապահ:
Իրենց հաւաքարի երգերն ու ֆայլերը
խիստ սպաւորիչ էին: Իսկ երբ կ'երգեն
«Մեր Հայրենիք»ը այլեւս չեն հետեւի
իրենց խմբապետիին ջափերուն, անե-
նք կ'ունեցնեն իրենց կործակիչը, կը
նային բարձր եւ բողոք արժով կ'երգեն.


Նայիր նրա երեք գոյնով
Նուիրակսն մեր նշան:

Եւ «Մեր Հայրենիք»ը անեկեկ ներդաշ-
նակն էր, որ երգուեցաւ միւս երգերէն,
որովհետեւ միայն զգացումն էր որ կը
սիրէր հոն:

Ապրիլ գայլիկներ. մեծցեք, շուտ
մեծցեք:

ԲՐԻՎԱ

Երբ Վարսնսի եւ Ռուսանի խմբա-
պետական կազմով Բրիտանիայի կ'երթային,
երբեք չէինք սպասէր որ հոն այդքան
գիտակից տղոց պիտի հանդիպին: Նոր
ստեղծուած էր մեր տղոց մասնաճիւղ մը
եւ ֆիչ մը սարակոյտով կ'երթային հոն
ուր հազիւ մեկ երկու հարիւր հայեր
կ'աշխատէին: Բայց որքան սխալած
էինք...



Երբեք կարեղի չէ մոռնալ այն
խանդակաւ հաւաքոյթը որ մեկն հոն
ունեցանք: Սկստուեցաւ եւ գայլիկները
մեզ կ'սպասէին. գեղեցիկ օր մը սպրե-
ցանք, աւելի անբարոյցիկնք այդ մասնա-
ճիւղին հիմները: Գեղեցիկ Հայ գաղութ
մը կար հոն: Մերիկները կ'աշխատէին
շաւ պայմաններու մէջ: Գործարանա-
տերը արահ մը շինել տուած է հայերու
համար, ուր կը ծածակի հայ դուռը:
Շատ բան կ'սպասեմք մեր տղոցն. չէ՞ մի
որ փրակուցի գործարանատերն անգամ,
որ մեզ այնքան սիրով ընդունեց, կ'ըսէր
խօսքը ողորկով Բրիտանիայի հայ պատանի-
ներուն.

«Ինչի՞ կ'սպասեմք սկստու արձա-
նագրուելու համար. խիստներս երեքն ալ
սկստու են Լիօնի մէջ...»

ԿԱՄՔ ԵՒ ԱՇԽԱՏԱՆՔ

Շարունակեցեք այդպէս, դուք գի-
տակից պէտէր եւ դուք սկստուներ ու
գայլուկներ: Գիտե՞ք որ կամֆին եւ
աշխատանքին առջեւ կ'ոչնչանան անե-
նամեծ դժուարութիւններն անգամ: Չեր
աշխատանքը մեր շաւաղոյն ուժն է եւ
ապագայ աւելի մեծ յաջողութեանց մեծ
յոյսը: Աշխատե՛ք գիտակցօրէն եւ բուն
բախով, հայ պատանեկութեան համար
են մեր բողոք միջոցը. աշխատե՛ք մեր
դժբախտ ցեղին միակ յոյսին համար:

ԳՈՒՐԳԷՆ ՄԵՆԱՏՈՒՐԵԱՆ

ՄԵՐ ԲԱՐԵՎԱՄՆԵՐԸ

ՄԱՐԻ ՍԱՆԻԷ

Առաջին անգամ հանդիպեցանք
իրեն 1926ի միջազգային խաղաղա-
սիրական համաժողովին, ուր աշ-
խարհի չորս կողմերէն հաւաքուած
6,000 պատուիրակներ իրենց հաւա-
քոյթը կ'ունենային:
Հոն ճանչցանք զիրար: Մեր
սկառուները սիրուեցան իրմէ:

«Չեր բարեկամները քիչ
են, որովհետեւ անկեղծ էք. իսկ
անոնք որ բարեկամ են ձեզ, ձեզ հետ
են մինչեւ վերջ:»
Այս խօսքերով է որ մեզի տու-
աւ բարեկամութեան այս ապացոյցը:
Յիշենք որ Մարք Սանիէ
ֆրանսացի ամեամեծ հոետորներէն



Այդ թուականէն ի վեր Մարք
Սանիէ ամէն առթիւ քաջալերած է
մեզ: Ներկայ եղած է մեր բոլոր
հանդէսներուն, հրաւիրած է մեզ իր
Պիէոփիլի դղեակը բանակելու և
կամ մասնակցելու իր կազմակեր-
պած հաւաքոյթներուն:
Ինք հետեւած է մեր բոլոր ձի-
գերուն և վերջերս իբր քաջալերանք
մեզ նուիրած է գետիններ և շէնք
իր գղեակին մօտ որպէս զի կա-
ռուցանենք «հայ սկառուներուն»

մին է:
Ինքը զնդապետ էր պատերազ-
մական շրջանին: Երկար տարիներ
եղած է Փարիզի երեսփոխան և Պո-
ռասիի Քաղաքապետ: Վերջապէս
անդամ է «Մարդկային իրաւունքի
Լիկային վարչութեան», եւ այլն:
Տնօրէն է «Լա ժէօն Ռէփու-
պլիք» հանդէսին, և նախագահ խա-
ղաղասէրներու միջազգային կո-
միտէին:

Գ. Մ.



ՎՈՒՄԲԵՐ

ԽՈՒՄԲԵՐՈՒՆ

ԹԵՔՆԻՔ

ԲԱԺԻՆԸ



ԲՆԻԿԸ

ԽՈՒՄԲԸ

Սկառուսական խումբը կը բաղկանայ 7-ական հոգիների չորս կամ հինգ խմբակներէ. որը կը ղեկավարուի խմբապետի մը կողմէ, օժանդակութեամբ իր փոխ խմբապետին: Խումբը սկառուսական գեղեցիկ ընտանիք մըն է, և բոլոր սկառուները իրարու կապուած են եղբայրութեան սերտ կապերով:

Ամէն խումբ իր գործունէութեան յայտագիրը կ'ունենայ, որը կը պատրաստուի խմբապետին կողմէ, համաձայն տրուած ընդհանուր հրահանգներու:

ՉՄԵՌՈՒԱՆ ՅԱՅՏԱԳԻՐ

Արշաւներ

Խումբի մը ձևաւորումը յայտագիրը մեծապէս կը տարբերի ամառուանէն: օրը ցուրտ է և կամ խոնառ: Կարելի է և այլևս երկար արշաւներ կատարել:

Ձմեռուան արշաւները շատ կարճ կ'ըլլան ուրեմն: Այս արշաւներու ընթացքին տեղի կ'ունենան մասնաւորապէս տարբեր խմբեր, օրինակի համար զանազան զննակազմեր եւ վաղբեր. Տղաքը լաւ հարուած պէտք է ըլլան եւ մասնաւոր պէտք է լաւ ուտեն: Դասախօսութիւնները և կամ նուազ շարժում ունեցող մըրցումները տեղի կ'ունենան ճիշդ մեծ խաղերէ վերջ, որոնց ընթացքին սկառուները լաւ տարբայած են:

Ձմեռուան արշաւները պէտք է մասնաւորապէս մեծ խաղերով անցնին, սա-

կաջն պէտք է անտեսուին սկառուսական դաստիարակութեան միւս ճիւղերը (թեքնիք փորձեր, երգեր, մրցումներ, և այլն):

Հաւաքումներ

Ձմեռուան հաւաքումները շատ աւելի հետաքրքրական են, որովհետեւ խմբակները ազատ և հանդիստ կերպով կը պատրաստեն իրենց գործունէութեան յայտագիրը: Խմբակները կը հաւաքուին շաբաթ մէկ երեկոյ իրենց հաւաքավայրին մէջ: Պէտք է ամէն հաւաքոյթի համար մասնաւոր յայտագիր մը պատրաստուած ըլլայ կանխառ: Առաջնորդները կը դասախօսեն խմբապետին կողմէ նշանակուած նիւթերու շուրջ:

Յետոյ տեղի կ'ունենան սենեակի քանի մը խաղեր: Պէտք է անտեսել նաև սկառուսական թեքնիքը: (Ա. և Բ. կարգի քննութիւններ և մասնագիտական նշանակներ): Հաւաքումներու ընթացքին կարելի է երգել հաւաքական ձեռագրի աշխատութիւններով զբաղիլ (դճողութիւն, փորագրութիւն, հաւաքավայրի աշխատանքներ, և այլն): Երբ խումբը ձմեռուայ ընթացքին կանոնաւոր կերպով կ'աշխատի և կը պատրաստուի ամառուայ բանակութեան և զանազան հանդիսութեանց: Ամառուայ գործունէութիւնը կ'ըլլայ յաջող եւ օգտակար:



ԽՈՒՄԲԸ

Բանակումին օճախը

Թե ինչպիսի կարելի է բանակումին առեւ սակ խոնակները յարմարութիւններով օճախած օճախ մը ունենայ:

Անցած ձեւագրին մեծ ցուցահանդէս մըն էր զանազան ազգերու հարստութեան, բանակումի վերաբերեալ շինութեանց համար: Այս շինութեանց մէջ մեծ տեղ

կը փորձուիմ հակիրճ յօդուածով մը մեր սկառուներուն բացատրել հունգար սկառուներու օճախներուն ձեւը, որպէս զի յառաջիկայ բանակումներու ընթացքին օգտագործեն դաջն:





կը բունէին խահանդները, և մասնաւորաբար օճախները:


Ամէն ազգ նորութիւն մը բերած էր բաց միայն հունգարացիներու օճախն էր ուշագրուել իր շատ մը յարմարութիւններու և աշխատանքի գեղեցիկ օրինակով:

Նիւնոքեան ձեւը

Հողին մէջ 0,60 մէթր լայնքով և 1,50-3 մէթր երկայնքով (երկայնքը շինուելիք օճախներուն թիւէն կախուած է), և




1,20 մէթր . խորութեամբ փոս մը բանալ. (տես պատկեր 1): Յետոյ ձախ կամ աջ կողմի պատը հողին մակերեսէն սկսեալ 0,80 մէթր փորել, փոսին եզերքէն սկսեալ



0,40 մէթր լայնքի վրայ. (տես պատկ. 2): Այսպիսով կ'ունենանք նստարան մը խոհարարին համար:

Անցնինք միւս պատին: Հողին մակերեսէն 0,15 մ. վար սկսել' 0,25 բարձրութեամբ, 0,30 լայնքով և 0,20 խորութեամբ փորելի անցք մը բանալ. բնական է որ



այս անցքին վերի եզերքն է որ հողին մակերեսէն 0,17 մ. վար է. (տես պատկ. 3):

Այս անցքէն վերջ կ'սկսինք փորել 0,60 մէթր խորութեամբ ուրիշ անցք մը և այս անգամ անոր կոտանք փուռի մը ձեւը. (տես պատկ. 4): յետոյ դուրսի կողմէն մեր ունեցած կաթնայի ստորամասի

շրջագծէն քիչ մը աւելի փոքր ծակ մը կը բանանք մեր փուռի գագաթին վրայ, ուր կաթնան պլտի տեղաւորենք. փուռին ետեւէն ալ ձխնելոյց մը կը ծակենք, որպէս զի ծուխը անկէ դուրս ելլէ, փոխանակ կաթնայի եզերքէն բարձրանալով կերակուրներուն համը և հտը աւրելու. (տես պատկ. 5):

Թիւ 6 պատկերը կը ներկայացնէ օձախին հորիզոնական կտրուածքը, տեսնուած վերէն: Որպէս զի փոսը լու տաքնայ կարելի է անոր ներքին մակերեսը կղմինարի կամ քարի կտորներով ծածկել: Նոյնպէս օձախը անձրեւէն պաշտպանելու համար կարելի է վրայէն վրան մը լարել: Օձախին շինութիւնը աւարտած է:

Այս ձևին առաւելութիւնն այն է որ ապրութիւնը հաւասար կերպով կը դարնէ կաթնայի յտակին և մէջի կերակուրը շատ դժուարաւ կ'այրի, ինչ որ միւս պարզ օձախներուն վրայ յաճախադէպ է: Մոխը

հեռացնելով կերակուրները անոր գէշ համէն զերծ կը մնան. վերջապէս նման շինութիւն մը բանակումի գեղեցիկ աշխատանքներէն մին կը համարուի:

Մտղթենք որ ապագայ բանակումներուն զայն իրագործուած տեսները:

Հ.ԳերշԱԿԵԱՆ



Ընդհ. պէտք շուսակարուած վարանսի գայլիկներուն մեծ մասին և սեղոյն խնրապահներուն հետ, հաւաքոյթի մը ընթացքին:

ԵՐԷՑՆԵՐՈՒՆ ԲԱԺԻՆԸ

ԵՐԷՑՆԵՐՈՒՆ ԿԱԶՄՈՒԹԻՒՆԸ

1928 թիւը հայ սկաուտութեան համար նոր տարեշրջան մը բացաւ:

1928ի աշնան Փ.Հ.Ս.Մթութիւնը իրական իրաւունքներով մտաւ Միջազգային Սկաուտական կեդրոնը, և այս տարի մասնակցեցաւ համաշխարհային ճէմպօրիին: Դեռ ճէմպօրիէն առաջ մտադրութիւն կար կազմակերպել երէցներն խմբակ մը, որ ապագային իր շուրջ պլտի հաւաքէր հազարաւոր հայ երիտասարդներ:

Օգոստոսի 25ին բոլորը, ամենապզտիկ գայլուկէն մինչև առաջին սկաուտը ներկայ էին արշաւի մը, ուր ընդհ. պետ Գ. Մեծատուրեանի հրահանգով, Փարլիլ և

շրջանի բոլոր սկաուտները և գայլիկները մեծ շրջանակ մը կազմեցին:

Խօսք առաւ ընդհ. պետը. «Սիրելի սկաուտներ եւ գայլիկներ. ձէմպօրիէն վերջ առաջին արշաւն է ասիկա, և ճիշդ այս արշաւին Փարլիլ խումբէն երկու վկայեալ և մէկ Արարատեան սկաուտ, երէքն ալ առաջնորդ, կը ձգեն իրենց խումբը և խմբակները մըտներու և քայելու աւելի դժուարին և փշոտ ճանապարհով երեք սկաուտի ճանապարհով: Այլեւս երէցներուն կրնան դիմել թէ փոքրիկ գայլիկները և թէ սկաուտները. անոնք իրենց խումբին համար չէ որ կան այլ»

- 1) Հայ ժողովուրդին օգնութեան համար
 - 2) Ֆ.Հ.Ս.Մ.ի համար:
 - 3) Սկաուտական խումբերուն համար:
 - 4) Գայլուկներուն համար:
 - 5) Իրենց խումբին համար:
- Ապա դիմելով երէցներուն.

«Սիրելի երէցներ. մէկի փոխարէն հինգ դործ ունեցաք: Դժուար է ձեր ընեւիքը, բայց յոյս ունիմ որ պիտի տապալէք և կործանէք ձեր ծանրաբարձի վրայ ելլող բոլոր դժուարութիւնները: Այդպէս ուժեղ կամբով պիտի հասնիք այն յաղթանակին, որուն դարերէ՛ ի վեր կ'սպասէ հայ ժողովուրդը:

«Յաջողութիւն ձեզ հայ երէցներ. խտացուցէք և սեղմեցէք ձեր շարքերը: Ուրեմն դէպի գործ»:

Երեքին ալ աարով սկաուտական նշանակը պետը յաջողութիւն մտղթեց ամէն մէկուն. Երէցները շրջանակի մէջ գտնուող բոլոր տղոց ձեռքերը սեղմեցին, և քալեցին զէպի անտառ, սկսելու համար երէց սկաուտի փշոտ ճանապարհը:

Յաջորդական հաւաքումներու ընթացքին երէցները մշակեցին հետեւեալ ներքին Կանոնագիրը:

ԵՐԷՑ ՍԿԱՈՒՏԻ

ՆԵՐՔԻՆ ԿԱՆՈՆԱԳԻՐԸ

1) Երէց Սկաուտը ամէն ջանք պիտի թափէ ՅՀՍՄ-ին օգնելու համար:

2) Մէկը ամենքի և ամենքը մէկի համար:

3) Բոլոր որոշումները կը տրուին քուէարկութեամբ (ձայնեւորութեամբ քուէարկութեամբ):

4) Երէց սկաուտ կրնան ըլլալ 18էն վեր բոլոր հայ երիտասարդները, պայմանով որ չորս ամիս սկաուտութիւն ըրած ըլլան:

5) Ե.Ս. կը հնգանդի իր առաջնորդին և բոլոր տրուած հրամաններին:

6) Ե.Ս. 3 ֆր. կը վճարէ ամսական:

Սոյն ներքին կանոնագիրը նոյնութեամբ և միաձայնութեամբ ընդունուեցաւ երէց սկաուտներու կողմէ. նոյն օրն իսկ հետեւեալ աշխատանքի բաժանումը կատարուեցաւ.

Յ. Պետիկեան - Ե.Ս.ի առաջնորդ:

Ե. Օտապաշեան - գանձապահ:

Վ. Զաւարեան - քարտուղար:

Այնպիսով 25 օգոստոսէն ի վեր Ֆ.Ս.Հ.Մ.իութիւնը ունեցաւ իր երէց սկաուտները (**Rovers**), որոնք ապագային պիտի դեկավարեն հայ երիտասարդութիւնը:

Վ.ԻԳԷՆ ԶԱԽԱՐԵԱՆ



Հ ա ն ե յ ի

բ ա ն ա կ ու մ մ ր



կ ա տ ա ր ե յ ու

հ ա մ ա ր

«Ի՛նչ հրաշալի բան է բանակումի երթալը». կը բացատրէին շատ մ'ը նո. ընծայ սկաուտներ առաջին բանակումէն վերադարձին: Եւ անոնք իրաւունք ունին:

— Բնութեան մէջ սպրիւլ, վրանի տակ քնանալ, առաւօտը դով և մարտը օդին մէջ մարդանք ընել, շտկել, մտքել և զարգարել բանակավայրը մէջ ընդ մէջ կատակներով, ուրախ ու զուարթ կերպուր պատրաստել, մէկ խօսքով՝ հպարտութիւնն ունենալ իր բոլոր կարիքները հոգալու լաւ ընկերներու հետ խօսալ ու մրցիլ, ատկէ աւելի ցանկալի բան կը ճանչնայ զպրօցին կամ արհեստանոցին ծանր աշխատանքներէն վերջ, Ֆիլիքսպէս կատարեալ կերպով զօրանալու համար:

Յաճախ բանակումէն եկող սկաուտը կ'ունենայ ընտիր և հաւատարիմ ընկերներ, որոնք ապագային իր լաւագոյն բարեկամները պիտի դառնան կեանքի այլքներուն ղեկավարներու համար: Բանակումէն սկաուտը կը վերադառնայ առողջ, հոգին մաքուր և ճարպիկութիւնը զօրացած:

Ահա ատոնք են համելի բանակումի մը անդին արդիւնքները: Բայց ամէն մարդ կանոնաւոր կերպով բանակելու կերպը չի գիտեր: Կատարեալ բանակում մը

ընելու համար անգլիացի սկաուտները «ոսկի կանոններ»ը (**Golden Rules**) ունին, որոնք ստորեւ կը թարգմանենք:

ՈՍԿԻ ԿԱՆՈՆՆԵՐ

1) Սեփական հողի վրայ բանակելու ժամանակ, կարելի եղածին չափ լաւ վարք ունեցէք, իսկ օտար հողի վրայ նոյնիսկ կարելի եղածէն աւելի լաւ:

2) Մի մոռնաք ձեզ հետ տանել լրիւ սպիտակեղէն փոխելու համար, բայց աւելորդ իրերով մի բեռնաւորուիք, որովհետեւ որչափ աւելի տանիք այնչափ աւելորդ նեղութիւն պիտի քաշէք լաւ պահպանելու համար զանոնք:

3) Եթէ երգելու համար ո և է գործիքի պէտք ունիք, պիտի նկատէք որ ձայնմտու գործիք մը տանելը աւելի հեշտ է քան դաշնակ մը տանելը...:

4) Եթէ օդը խոնաւ է, ձեր կոշիկները և գուլպաները հանեցէք և սանտալներ հագցէք, եթէ օդը չոր է զգուշացէք անտառի մէջ հրդեհ առաջ բերելէ:

5) Իւրաքանչիւրին համար օրական մէկ լողանք բաւական է. իսկ նախաճաշէն առաջ, սմանց համար պէտք եղածէն աւելի:

6) Երբ անկողնէն ելլէք, ամբողջ մարմիննիդ լուացէք. ձեր ձեռքերը լուացէք ճաշէն առաջ, ձեր ոտքերը՝ երկար պտոյտէ մը յետոյ:

7) Ինչպէս միշտ, բանակումի ժամանակումի ժամանակ ալ մի ունենաք սեփ սև եղունկներ. անթերի սկառտի մը տեսքին փայլը կը կորսնցնեն աղտոտ եղունկները:

8) Ուշադրութիւն դարձուցէք որ ձեր խոհանոցի առարկաները, դանակ, պատառաքաղ, կայլն, և մասնաւորապէս ձեր խոհանոցի լաթերը

կատարելապէս մաքուր ըլլան: Ով չի ճանչնար այն հոտը, որ յաճախ կ'ունենան այդ առարկաները երբ դէշ լուացուած են (ձենձի հոտ):

9) Վրանները ճաշարաններ չեն:

10) Ձեր կերակուրները բանեցէք և կերէք կանոնաւոր և մաքուր կերպով: Սկառտները խոզերու պէս չեն ուտեր:

11) Ով և է այցելուի աչքին իսկոյն կը զարնէ բանակավայրին աղտոտ ըլլալը:

12) Մի կարծէք որ ուրիշին անկողինը շինելը ձեզի համար ստորնութիւն է:

Վասիկ Տէր ԳԱԽԹԵԱՆ

«ՀԱՅ ԱՐԻ»ն զուտ սկառտական անկախ ամսագիր մըն է և կը խմբադրուի սկառտ խմբապետներէ կազմուած մարմնի մը կողմէ:

«ՀԱՅ ԱՐԻ»ն միութեան կապն է աշխարհի չորս կողմ գրուած Հայ երիտասարդութեան միջև:

«ՀԱՅ ԱՐԻ»ն սիրով կը հրատարակէ թղթակցութիւններ, որոնք կը հետաքրքրեն հայ պատանեկութիւնը:



Ժ Պ Տ Ի Ն Ք

Օղբ պայծառ էր:

Տէր և տիկին Ծուկեր ուղեցին պտոյտ մը ընել իրենց քառասնամի ինքնաշարժով:

Քանի մը ոլոր մորթ ճամբաներէ յետոյ, երբ ինքնաշարժը բաւական արագ կ'երթար յանկարծ իջախոնի ձայն մը լսուեցաւ: Պ. Ծուկեր մտածեց որ ետեւէն եկող ինքնաշարժն է որ կը բողբէ իր դանդաղ ընթացքին դէմ:

Անիկա աւելի արագացոյց իր ընթացքը, հասաւ ժամը 80 յետոյ 90 քմ. արագութեամբ. բայց իջախոնի ձայնը միշտ կը լսուէր:

Պ. Ծուկեր բարկացաւ:

Հու՛րա, հու՛րա:

Բայց ետեւէն կը շարունակէր լսուիլ պո՛ւււււււււււ, պո՛ււււււււււււ...

Այս անգամ ինքնաշարժը ժամը 100 քմ. արագութեամբ կը սուրար: Սակայն ազմուկը միշտ ետեւէն կը լսուէր:

Պէ կնիկ, նայէ թէ ի՞նչ կայ ետեւինս:

Մարդ Աստուծոյ հեղածի ինքնաշարժ մըն է:

Այս միջոցին ժամը 125ի արագութեան մը կը մտաւար. պ. Ծուկեր ճարհատ մտքեան կեցուց և վար իջաւ հասկանալու համար թէ ինչ կ'անցնի կը դառնայ:

Յանկարծ լսեց միւս ինքնաշարժի տէրը, որ կը պօռար.

«Ոճրագո՛րծ, մարդասպա՛ն, խո՛ւլ ես ինչ ես. ժամ մըն է կը պօռամ որ ինքնաշարժս անդխտակցաբար ձերինին կապուած է և չի բակուիր»

Երկու ընկերներ տարիներով զիրար չտեսնելէ վերջ կը հանդիպին:

Անոնցմէ մին կ'ուզէ այս հանդիպումը տօնել կէս կարկանդակով մը. կը գնէ կարկանդակ մը, զայն երկու անհասար մասերու կը բաժնէ և ընկերօջը ներկայացնելով կ'ըսէ.

Հրամմէ՛, առ մէկ կտորը:

Միւսը իհարկէ մեծ կտորը կը դատէ: Այս տեսնելով հրամցնողը կ'ըսէ դ՛գոհ ձևով մը:

Եթէ ես ըլլայի, առ ի քաղաքափարութիւն, փոքր կտորը կ'առնէի:

Բայց ջանիկս, փոքր կտորը քեզի ձգեցի արդէն, ալ ի՞նչ կ'ուզես. կ'ըսէ միւսը մեծ քաղաքափարութեամբ:

Ե. ՕՏԱՊԱՇԵԱՆ

Եթէ իւրաքանչիւր սկառտ

բաժանորդ մը գտնէ, «ՀԱՅ ԱՐԻ»ն կը հրատարակուի 24 էջերով:



Սկառսական լուրեր

Միջազգային եղբայրութիւն

Ֆ Բ Ա Ն Ս Ա

Փրանսայի Իւնիօնիսթ սկառսանէրու ընդհանուր պէտ Կերէն Տէժարտէն Հոկտեմբեր ամսուան վերջը այցելեց Մարթի սկառսական խումբերուն և ամէն տեղ ջերմ ընդունելութիւն գտաւ:

* * *

Հինգշաբթի, նոյեմբեր 21ին Բարիդի մէջ մարէշալ Լիօթէի նախագահութեամբ տեղի ունեցաւ սկառսական համաժողով մը, որուն նիւթն էր «Ճէմպօրիին արդիւնքները»: այս ժողովի ընթացքին խօսք առին Փրանսայի երեք սկառսական միութեանց ներկայացուցիչները:

Ա Ն Գ Լ Ի Ա

Հոկտեմբեր 11ին Միջազգային գրասենեակի անօրէն պ. Հիւսլըրթ Մարթին Լոնտոնի ռաթիօ-կայանէն խօսեցաւ նիւթ ունենալով «Մեծ ճէմպօրիին»:

* * *

ժեներալ Կօմփրուա Ֆօսէթ ճէմպօրիի բանակավայրին պէտը, ի վարձարութիւն իր մատուցած ծառայութեանց, Պէյտըն Բաուլէն ստացաւ «արձաթեայ դաշլ» պատուանշանը, որ ամենաբարձր սկառսական պատուանշանն է:

Գ Ե Ր Մ Ա Ն Ի Ա

Վերջապէս գերմանական սկառսական միութիւնը կազմուած է, և յոյս կայ որ շուտով ճանչցուի Միջազգային Գրասենեակէն:

Գերման սկառսական շատ մը անկանոն կազմակերպութիւններ կան, որոնցմէ և ոչ մէկը ճանչցուած է միջազգային գրասենեակէն:

Հ Ո Ւ Ն Գ Ա Ր Ի Ա

Հունգարներու ընդհանուր վարչութիւնը որոշած ըլլալով աշխարհի բոլոր սկառսական միութեանց նշանակները ունենալ, զիմամ էր նաև Փրանսայի Հայ Սկառսաներու Միութեան, հայկական նշանակներ ունենալու համար:

Անոնց փափագին գոհացում՝ տրուեցաւ Միջազգ. Պիւրոյի միջոցով:

Ա Մ Ե Ր Ի Կ Ա

Ամերիկայի մէջ կան 850,000 սկառսաներ: Ամերիկեան կազմակերպութեան վարչութիւնը սերտ յարաբերութիւններ կը մշակէ Փրանսայի Հայ Սկառսական Միութեան հետ, սկսեալ անցեալ մեծ ճէմպօրիէն:

ՍԿԱՌՏԱԿԱՆ ՀԱՄԱԺՈՂՈՎԸ

* * *

Միջազգային Գրասենեակը բոլոր սկառսական Միութեանց զրկած է բուէարկուած բանաձևերը, որոնք մեծ բարեփոխումներ յառաջ պիտի բերեն սկառսական շարժման մէջ:

Հրատարակ ելաւ նաև ճէմպօրիի ձօնուած հստակապ հատորը, որուն մէջ ճիշդ գովեստներ կան հայ արիւնքու մասին:

ԱՆԳԼԻԱԿԱՆ ՄԱՍՈՒԼՆ ՈՒ ՀԱՅ ԱՐԻՆԵՐԸ

Նախորդ թիւով տուած էինք Լոնտոնի մամուլին կարծիքը հայ արիւնքու մասին: Ներկայ թիւով կը հաւառօտենք գաւառական կարեւոր թերթերու արտայայտութիւնները այդ մասին:

Երբ յատուկ հրաւերներով Լիւթըն, Տընթէյլ և Լէյթըն Պըղար բաղաճները այցելեցինք, տեղական թերթերը իրենց առաջին էջերը տրամադրած էին մեր աղոց անոնց նկարները դնելով: Մեզ համար անկարելի է նոյնիսկ թուել այդ բոլոր յօււածները և նկարները. անցողակի կերպով և համեստօրէն ըսենք որ ամէնն ալ անխտիր լեցուած էին անվերապահ գնահատանքի արտայայտութիւններով:

Յիշենք մամուլաբարձու հետեւեալ թերթերը:

«Luton News» որ ամբողջ շաբաթ մը գրադեցաւ հայ արիւնքու ու հետեւեցաւ անոնց յայտագրին:

«Leighton Buzzard Observer» որ կը գրէր. «Այն հայերը որոնց մենք հանդիպեցանք, կրթուած, բարեշնորհ և խելացի էին»:

«Beds Pictorial» որ բազմաթիւ եկարներ հրատարակեց հայ արիւնքէն:

«Dunstable Gazette» թերթը մամուլաբար գրադեցաւ մեր աղոց Տընթէյլ այցելութեամբ: Ան մանրամասնօրէն կը խօսէր քաղաքապետին կողմէ մեր աղոց ըրուած ընդունելութեան, և տրուած թէյասեղանի մասին: Հայ սկառսաները իրենց տալուարութիւնները յայտնեցին նամակով մը, որ նոյնպէս հրատարակուեցաւ:

Փարիզ վերադարձին ընդհ. պէտ Գ. Մեծատուրեան շնորհակալութեան նամակ մը գրած էր Luton News թերթին, որ հրատարակեց զայն:

* * *

Սկառսաները ամենէն աւելի զգածուեցան երբ 17 օգոստոսի կիրակին Լիւթընի եկեղեցիին մէջ պատարագ մը կատարուեցաւ ի յիշատակ հայ նահատակներուն: Սկառսաները երգեցին «Հայր մեր»ը և Ն. Տէյլրմէնձեանը երգեց շարականներ: Այս արարողութիւնը խոր տպաւորութիւն թողուց անգլիացւոց վրայ:



ԸՆԴՀ. ՊԵՏԸ ԳԱԽԱՌ ԿՍՅՅԵԼԷ

Նախորդ ամառ սկիզբը Ընդհ. պետը այցելեց մեր գաւառի խումբերուն:

Նոյեմբեր մէկին Վարանա հասաւ և շատ գեղեցիկ ընդունելութիւն մը գտաւ տեղւոյն գաղլիկներու և սկառտաներու կողմէ:

Յաջորդ օրը առաւօտեան Վարանաի սկառտաներու հաւաքավայրին մէջ տեղի ունեցան սկառտական և գաղլիկների հաւաքումներ:

Կէսօրին, Ընդհ. Պետին հետ Վարանաի սկառտաներն ու գաղլիկները մեկնեցան Ռօման քաղաքը, տեղւոյն մասնաձիւղին այցելութեան: Ընդհ. Պետը վաւերացուց տեղւոյն կողմը:

Նոյեմբեր երեքին Ընդհ. Պետը այցելեց Բրիվա քաղաքը, ուր կազմուեցաւ սկառտական խումբ մը և գաղլիկներ: Տեղի ունեցաւ մեծ հաւաքոյթ մը որու ընթացքին Ընդհ. Պետը խօսեցաւ և խօսքը ուղղելով ծնողներուն, շեշտեց սկառտական կրթութեան անհրաժեշտութիւնը հայ տղոց ըամար: Հաւաքոյթը վերջացաւ մեծ խանդավառութեամբ:

Ընդհ. Պետը վերադարձաւ Վարանա, տուաւ բաղմամբիւ այցելութիւններ, յետոյ դարձաւ Բարիզ:

ԲԱՐԻԶԻ ՇՐՋԱՆ

Բարիզի շրջանի սկառտաներու, գաղլիկներու և երէցներու մեծ արշաւը տեղի

ունեցաւ կիրակի նոյեմբեր 17ին, Գրամաուի անտառին մէջ:

Այս արշաւին կարիլի էր տեսնել այն յառաջդիմութիւնները որ ըրած էին մեր խումբերը ճէմպօրիէն ի վեր:

ՆՈՅՆՄԲԵՐ 24-Ի ԹԷՅԱՍԵՂԱՆԸ

Փարիզի շրջանի մեր սկառտաները գաղլիկները և երէցները կազմակերպած էին հաւաքոյթ թէյասեղան մը, որ տեղի ունեցաւ անցեալ կիրակի, «Լա Տէմօքրասի»-ի սրահներուն մէջ, սրանք սիրաշօժար կերպով արամաղրուած էին պ. Մարք Սանիէի կողմէ:

Սրահը դարձարուած էր հայկական և սկառտական դրըշակներով բոլոր խումբերը ցուցադրած էին իրենց ձեռական աշխատութիւնները: Մասնաւորապէս գեղեցիկ էր երէցներու կազմած բանակումի ցուցադրութիւնը:

Սրահը լեցուած էր ծնողներու և սկառտաներու բաղմութեամբ մը: Հաւաքոյթը սկսաւ ժամը 3ին «Մեր հայրենիք» երգով, որ երգուեցաւ սկառտաներու կողմէ:

Յետոյ խօսք առաւ Ընդհ. Պետը, որ ուղղելով իր խօսքերը ծնողներուն, որ ներկայ էին հոն, շնորհակալութիւն յայտնեց անոնց ցոյց տուած համակրանքին և քաջալերանքին համար: «Մեր սկառտ ծընողքները լաւագոյն պաշտպաններն են մեր միութեան վստահ եղէք որ ձեր տղաքը կը կրթենք համաձայն ձեր փափակին»:

Յետոյ Բարիզի Ա. և Բ. խումբերը ինքնատիպ փոքրիկ ներկայացումով մը զուարճացուցին ներկաները: Երէցներու և գաղլիկներու յայտագիրը ջերմօրէն ծափահարուեցաւ:

Հանդէսին ներկայ էր պ. Ա. Խատիսեան որ խօսեցաւ Ֆ. Հ. Ս. Միութիւնը հովանաւորող մարմնոյն կողմէ. պարզեց մեր տղոց կատարած գերը ճէմպօրիի ընթացքին և անգամ մը ևս թելադրեց հասարակութեան օգնել հայ նոր սերունդին ամէն կերպով:

«Հայ Արի»-ի բարեկամներու կողմէ խօսեցաւ պ. Ս. Գարակէօզեան, որ բացատրեց թէ ինչու ինք «Հայ Արի»-ն բարեկամ է: Խօսք առաւ նաև Թ. Մեծատուրեան, Ծեր Սկառտը, որ գեղեցիկ խօսքերով յայտնեց թէ հայ սկառտ ծնողները պէտք է որ քաջալերեն իրենց զաւակ սկառտաները: Գրաւոր ուղերձներ զրկած էին պ. Կարօ Սասունի և Տօքթ. Լ. Գրիգորեան, որոնք վերջի պահուն շէն կարողացած ներկայ ըլլալ:

Սկառտաները ճոխ թէյասեղանով մը հիւրասիրեցին իրենց ծնողքները. երեկոն շատ զուարթ անցաւ: Հաւաքոյթին ներկայ

էին անգլիական, յունական և լեհական սկառտական խումբերը, ինչպէս նաև պուլիար խմբապետ մը, Ֆրանսացի և օտար բարեկամներ, ու հայ ազգային անձնաւորութիւններ:

Հանդէսը փակուեցաւ և հայ ծնողները մեկնեցան շնորհակալութեան խօսքերով. «Տղաք վստահ եղէք մեր շարունակական աջակցութեանց և շարունակեցէք այսպէս»:

Այս հաւաքոյթը անգամ մը ևս վերստեղծեց մեր սկառտական միջնորդը, որը այնքար կը գնահատուի մեր բոլոր բարեկամներուն կողմէ:

Յունվար 26ի հանդիւար

Յառաջիկայ տարուան յունվար 26ին տեղի կ'ունենայ Բարիզի շրջանի սկառտաներու և գաղլիկներու մեծ հանդէսը: Բոլոր խումբերը կը պատրաստուին արդէն: Ինչպէս նախորդ տարիները, վստահ ենք որ մեր բարեկամները անգամ մը եւս պիտի քաջալերեն մեր տղաքը իրենց ներկայութեամբ:

«ՀԱՅ ԱՐԻ» բարեկամները

«Հայ Արի» բարեկամներ» պիտի հոչակուին այն հայրենակիցները, որոնք կը արածեն ՀԱՅ ԱՐԻ-ն, նոր բաժանորդներ գտնելով:

ԸՆԹԵՐՅՈՂ,
Պիտի չուգէի՞ր ՀԱՅ ԱՐԻ ԲՍՐԵԿԱՄ հոչակուիլ:

ՊԱՇՏՈՆԱԿԱՆ

ՖՐԱՆՍ. ՀԱՅ ՍԿԱՈՒՏՆԵՐՈՒ ԳՈՐԾԱԴԻՐ ԽՈՐՀՈՒՐԴ

Ֆրանսայի հայ սկաուտներու Միութեան վաւերացուած խմբապետական կազմերը Գործադիր Խորհուրդին կողմէ:

ԲԱՐԻՉ Ա. խումբ Հրանդ Դերձակեան խմբապետ. 7 Rue Tournon Paris.

Բ. խումբ Արմիլ Զամպեան խմբապետ 21 Rue Haussaire Enghien-les-Bains.

Գայլիկներ Օր. Վ. Բէկլատեան խմբապետուհի 7 rue Desnouettes Paris 15e.

Օր. Հ. Բրիկեան փոխ-խմբապետուհի 10 Ave. de Ceinture Enghien-les-Bains

Երէցներ Յակոբ Պետիկեան Երէց-առաջնորդ 4 Ave. St. Roman Villejuif (Seine)

ՎԱԼԱՆՍ Սկաուտներ Պարոյր Պայեան խմբապետ 6 Rue Dauphine Valence (Drôme)

Գայլիկներ Օր. Մ. Տուրպոզ խմբապետուհի 4 Rue Bouffier Valence (Drôme)

ՄԱՐՍԷՅԷ Սկաուտներ Բ. Գալէլեան պատասխանատու-վարիչ 49 Rue Nationale Marseiile

ԲՐԻՎԱ Սկաուտներ Զաւէն Բապուճեան պատ. վարիչ Chalamond Privas (Ardèche).

Գայլիկներ Օր. Զ. Բապուճեան խմբապետուհի Chalamond Privas (Ardèche)

ՌՕՄԱՆ Գայլիկներ Տիկին Պիլալեան խմբապետուհի 15 Rue de la Batie Romans (Ardèche)

Այս խմբապետները նշանակուած են Գործադիր Խորհուրդին կողմէ. և Տեղերուն վրայ անոնց պէտք է զիմեղ արձանագրուելու. եւ ամէն կարգի տեղեկութիւններ ստանալու համար.

Ստացանի

«Scouting» Ամսագիր Ամերիկայի սկաուտներու. Նոյեմբերի թիւը:

«ՄԻԱՄԻ ՍԿԱՈՒՏ» Օրկան Սիամի սկաուտներու. հոկտեմբերի թիւը:

«ԱԶԱՏԱՄԱՐՏ» Շաբաթաթերթ; թիւ 24 և 25. հասցէ. 45 Quai d'Iéna. Chelles (S. & M.)

«ԵՐԿՈՒՆՔ» Ամսագիր Զ. Ե. Ո. Միութեան. թիւ 7. հասցէ. M. Kurkdjian 247 Bd. Voltaire Paris.

«ԲՈՒԺԱՆՔ» Առողջապահական գիտական և ընկերային ամսագիր թիւ 41 հասցէ. Dr. Krikorian 126 Fbg. St. Denis Paris.

«Le Foyer» Երկշաբաթաթերթ 208bis rue Lafayette Paris. հոկտեմբերի և նոյեմբերի թիւերը:

«ՀՆՁԱԿԵԱՆ ՄԱՄՈՒԼ» Օրկան Ս. Գ. Հ. կուսակց. Գործ. Յանձնախումբի 48 Bd. de la Chapelle Paris թիւ 1 և 2:



Le Gérant NERSES -> Imprimerie G. NERCES 65, Rue Pascal PARIS (13^e)